

晚晴移詩匯

晚晴詩匯卷三十八目錄

顧八代 三首

明珠 一首

朱昌祚 二首

王登聯 二首

王新命 三首

張勇 一首

周昌 一首

崔岱齊 三首

韓章 一首

劉中柱 四首

陳宏範 一首

劉獻廷 十首

王潔 二首

田蘭芳 二首

顏鼎受 三首

楊賓 九首

梅文鼎 八首

張實居 六首

朱紉 三首

周綸 三首

陳奕禧 六首

趙善慶 三首

朱載震 五首

宗元鼎 十二首

洪昇 九首

安箕 四首

張履慶 二首

張增慶 二首

王戩 九首

吳爰 五首

蒲松齡 三首

戚理 五首

王啟淑 三首

周肇 二首

許旭 四首

王抃 二首

王攄 五首

王曜升 二首

顧湄 四首

田登 七首

晚晴籀詩匯卷三十八

徐世昌

顧八代字文起滿洲旗人蔭生官至禮部尙書諡文端
有顧文端詩鈔

白鶴樓觀敵

俯檻西樓望憑高索敵情
兩江虛滅竈一郡伏奇兵
多算方爲策擒王豈在爭
待勞原以逸入陣自縱橫

蒼梧江亭月夜有感

亭畔雲屯驃騎營蒼梧日落數峯青
水分萬壑翻增怒月映千江未滅明
軍帳此時多算勝滇池何日始承平
兵機貴速師休老寄語將軍早下城

師行討逆已經六載將士各有懷歸之思因躋蒼梧

三合山有感而作

四望山河感夕暉南州久陷虎狼圍版圖玷缺思全復寇盜猖狂笑彼威銅柱功勳應早建碧雞將士莫懷歸來朝入陣還堪試參贊無須著鐵衣

明珠字端範滿洲旗人由內務府郎中官至武英殿大學士

湯泉應制

御天來鳳輦浴日啟龍池淑景黃圖早朝暉紫幄披落花
縈綵仗初柳拂珠旗野迴紆皇覽鑿停擁地祇翠巖深窈
窕瓊構鬱參差蘿磴時留蹕松門不翦茨方塘含皎鏡女
鬢淨漣漪卻望陵園近彌深弓劍思山川開麗矚草木得
華滋豫悅千秋洽陽和庶物宜每勤長樂養獨奏廣微詩

溜喚春頻駐波喧律罷吹逾涯涵帝澤曲逮被臣私並命
觀溫渚相將陟澗湄氣凝漿五色味絕露三危凜節何由
度恩光實在斯赤鱗游自異錦雁飾奚爲瑞已徵靈液祥
應頌玉芝遠侔堯德儉只法禹宮卑孝理能馴鹿仁風遂
化鷗撫躬多竊幸好爵久相縻喜共清泉挹如從丹洞窺
濯磨欣有賜調變愧無奇願託潺湲水年年奉聖慈

朱昌祚字懋功號雲門漢軍旗人由啟心郎官至直隸

總督諭勤愍

詩話勤愍撫浙江戡盜綏氓政績甚著遷督直隸適
鑲黃正白二旗互易圍地勤愍與巡撫王愨登聯
力言其累民忤輔臣鰲拜遂以阻撓付重
辟及聖祖親政鰲拜逮治始得昭雪

冬獵篇

曉霜光裏寒凝木牙旗閃閃前山麓錦臂雕弓美少年半

醉流霞紅映日朔雲慘慘風颼颼呵指敲冰飲紫駟盤馬
彎弓好身手壯氣真欲拏蛟蚪前有嘒狻後猛虎從容一
發千鈞弩疊雙命中不單殺毛旋如風血作雨或擊或刺
或空拳健兒有鹿鹿滿肩草中狐兔敢竊發宋鵠突起韓
盧前傳箭罷圍先數獲誰往南山射雪額盃酒光搖瑪瑙
紅當筵又舞神亭戟

桂山堂爲平湖陸侍御作

清溪曲曲森叢桂山人寄迹非忘世得歸盤谷且逍遙似
到淮南成小憩立朝面冷如生鐵百鍊之鋼不可折對仗
令人心膽寒歸田同我頭顱雪我來正值落花時紅英片
片浮春卮秋色桂林應更好山中猿鶴毋相疑

王登聯字捷軒漢軍旗人官至保定巡撫加工部尙書

諡愨愨

詩話愨愨本姓李籍在平少穎異年甫十餘卽從軍入關牧鄭州累擢大理卿用法持平及撫保定清介有聲與朱勤愨並以爭圈地坐法後同時昭雪易名予蔭

次新樂

曉發恆陽道逶迤此北征霜風吹木老河水向冬平幾處餘煙火長途復送迎嗷嗷何日靖飢溺倍關情

定州塔

塔勢陵太清荒煙入望平諸天依淨業一磬散秋聲游客無今古高松見性情誰能億劫外獨證法王城

王新命字純嘏漢軍旗人官至河道總督有東山集

詩話純嘏本貫四川三臺年十二遭張獻忠亂全家被難轉徙入旗籍以部曹奉使滇南吳三桂威攝之家不爲屈旋撫鄂中督河道愨歷有聲

別江右

昔來南浦日此地只孤城
勉行吾拙艱難任世情
有心籌國用無力贍民生
贏得清風去飄然兩袖輕

纔見烽煙靖災荒又疊聞
按圖稽戶口曠野少耕耘
下詔憐餘子蠲租出聖君
不才慚賈傅宵旦獨殷勤

已知民力竭仰屋強持籌
到處分銅虎誰能運木牛
檄書頻夜至飛輓幾時休
幸荷皇天佑無貽覆餗憂

張勇字非熊咸甯人明官副將入國朝官至靖逆將軍

管甘肅提督事封一等侯贈少師諡襄壯

詩話襄壯杖策從軍立功秦隴又隨洪文襄定黔滇及三藩之變保障西陲薦舉部將趙良棟王進寶由蜀入滇竟蕺全功爲入關後漢將之首性好吟詠當時詩人如李天生等集中多有贈答而襄壯遺詩罕觀僅於隨園詩話見一絕句豪情偉抱略窺豹斑

過崆峒

蚩尤戰後久銷兵，此處猶存訪道名。
萬里山河塵不起，松風常帶鳳鸞聲。

周昌字培公荆門人官山東登萊道參政

詩話馬佳文襄公視師關中培公干以策延入幕府
攻平涼未下請躬入城說王輔臣降母孫死流寇慨
以功授參政請喪母烈景陵特允之培公雅工文
翰詩尤奇崛文襄薨輓以長古述事抒情一時推傑
作

夢友

老去辭家事遠游，經年何故久淹留。
燕關秦塞長爲客，露竹風蟬早報秋。
半壁燈昏人破夢，一聲雞唱月當樓。
此時離思添多少，不見歸鞍到郢州。

崔岱齊字青峙平山人貢生歷官長沙知府有坐嘯軒

瑣言

送侯屏山懷山歸閩

木蘭坡上草離離，秀影依稀映墨池。
顧愷山川宜寫照，王維兄弟盡能詩。
客中歸思同雲遠，江畔孤帆帶月移。
一片隋隄楊柳色，那堪又折向南枝。

隋隄步月

隋苑繁華半已非，隋隄煙月自清輝。
紫簫團扇會同照，錦纜牙檣何處歸。
水浸一天星影動，風搖兩岸荻花肥。
堪憐廿四橋邊柳，惟有驚烏向夜飛。

移榻

移榻中庭趁晚涼，微風輕送野花香。
蕭然高卧渾忘暑，多少流螢繞畫廊。

韓章字可貞號桐庵漢陽人拔貢歷官南甯知府有女
起堂詩集

過祭風臺

盡瘁匡王業山河指顧中吞吳雖有日破魏豈因風欲借
驅除力期收蝮蚌功全身謀早定眼底小羣雄

劉中柱字砥瀾號雨峯寶應人歷官真定知府有兼隱

齋詩鈔

詩話雨峯自校官入爲部郎監京倉有廉名御書詩
軸旌之出守真定領三十二州縣羨餘一切裁省李
剛主贈以詩曰吾友王摩詰風稱太守賢
政聲今到耳果不酌貪泉摩詰謂崑崙也

贈朱錫鬯

海鶴從東來翛然冰雪姿徘徊不肯下戢羽何所之飛凌
青漢上棲止蒼松枝渴飲蓬瀛水飢啄商山芝取意貴適

性淚發生清颺俯視籠中鳥跼踖深堪悲
虞人空歎羨
贈繳將安施

贈杜于皇

名士天涯盛襄陽耆舊稀
風塵雙鬢短心事十年違
酒對深鐙酌
鑪當凍雪圍
無端悲喜集
明日送君歸

夜發江心驛

懷歸眠不得荒驛五更寒
路曲聽雞轉林昏立馬看
霜花迎面落
月影照身殘
猶有牽衣者
慇懃淚暗彈

送毛大可檢討假歸

玉河橋畔柳疏疏
最是離情不自如
如同調十年懷舊雨
歸裝一束只殘書
鐙紅酒綠圍爐後
花落鶯嘯撥櫂初
回首上林人
袞袞馬頭塵
起拂金魚

陳宏範字迺錫一字伯子長沙人薦授偏沅副將未就

有東祝堂詩草

詩話迺錫明諸生明亡與陶仲調朱子昭諸人相結納毀家養士意欲有所爲既乃翻然變計應洪文襄辟入幕招撫黃州山砦論功授右秩辭歸以詩酒自娛久之乃卒其家有手書五言近體詩一大冊道光間六世孫本欽持入京師廣徵題詠以林文忠二絕句爲歷卷詩曰拓戟軍門爲受降功成長揖卧湘江書生一掬滄桑淚迸入吟筒健筆扛五字長城抵劫灰何人擊筑弔西臺將軍揖客相知晚不救松山十

旅夜露坐和高羽可

非是辭卮酒今知惜醉狂空天人一影遠道月孤涼見我同梅瘦爲誰教菊黃博來清夢熟不卧祖家牀

劉獻廷字君賢號繼莊大興人

詩話繼莊學究天人主於經世自象緯律歷邊塞關要財賦軍政旁及歧黃釋老家言靡不研索崑山徐

尚書主修明史及一統志皆參與焉於地輿音韻之學尤具特識其所欲撰著者宏博無涯矣非一人一時所能成故多未就而其端緒悉見於所著廣陽雜記中真通儒也詩特餘事逸情偉論時時流露亦非錄錄細響

懷古

古之兵皆農農富兵亦強古之士皆農農樸士亦良兵農一以分甲冑無餘糧士農一以分耒耜無文章分之則兩傷合之則一理請語當途人治亂實此始

題暉草齋

誰將堂上春得比春日暉日入光更出親老無重歸誰將人子心得比庭前草春風日日吹草色年年好

水仙操

天行海運旋宮音萬象回薄由人心移情易性琴非琴刺

舟而去留深林海水汨沒鳥哀吟
余心悲兮無古今援琴而歌淚淫淫

留別張鴻伯兼懷張非文和韻

舟楫吾將老詩書世所輕
誰知天下士漂泊亦無成
放眼空今古虛懷向友生
北歸心已足不復悔南征

贈行西上人

鐵騎穿雲舊拓邊大江歸去浪連天
五更夢醒荒祠下百戰人酣繡佛前
風急雁行排遠岫秋高鵬影落寒煙
與君共望中原路衰草離離倍黯然

卧病

風塵泉石兩蹉跎歲月催人委逝波
萬事無成心力少一生有幾別離多
夢回弟妹依然失病久交游誰更過
剝把

新詩消永日空牀獨坐強吟哦

幽居

王孫學賦小山招意氣峻嶒耿未消燕市酒酣聞擊筑吳
關人去憶吹簫功名夢醒元駒國卜築門臨白馬潮回首
故園千里外江鄉隨地老漁樵

贈向語可

天半峨眉落照邊漢川東與蜀江連萬金散盡猶存骨一
劍長留豈學仙秋水欣逢東海若馬蹏難遇九方歎窮途
我自憐空手灑淚相看大別前

王昭君

六奇已出陳平計五餌曾聞賈誼言敢惜妾身歸異國漢
家長策在和番

漢主曾聞殺畫師畫師何足定妍嗤宮中多少如花女不
嫁單于君不知

王潔字汲公號洧槃大興人有幽居山房藁

詩話汲公先世仕明世襲錦衣衛指揮國變後
與弟崑繩流寓江淮間讀書廟行志節皎然

金山

七級凌峯頂虛窗總不扃層嵐開紫翠急浪走雷霆斯世
方多故高天果獨醒茫茫看尺五敢欲問青冥
明月生東嶺波光一鑑開欲尋甘露寺更上妙高臺黃鶴
千峯去蒼雲萬里來無端吹觜葉喚起洞龍哀

田蘭芳字梁紫又字伍眾號簣山睢州人諸生有逸德

軒詩

詩話簣山少時豪放自喜年四十乃悔其失踐履篤
實一以不自欺爲本見諸文辭者皆根心之言詩如

元酒太羹
淡而彌旨

責竹

我聞昔人言不可居無竹一日少此君頓使面貌俗繞舍
長兒孫漢書亦省讀常思一畝宮闕向渭川曲今夏假館
處橫窗饒寒玉謂可澣塵襟切磋比淇澳而乃出入間多
見異標目煙斂失瀟灑月來傷局促無實致丹山有音殊
解谷似畏淇園伐如覩湘江哭疑余非德鄰坐令形神辱
不見芝蘭生無人亦芬馥松柏挺蒼翠曾不移寒煥君子
秉貞操所貴在幽獨因物有加損怪爾終碌碌

住孔樓三年矣別去一歎

東風回首悵天涯此地曾經閱歲華舊舍乍離應入夢新
居更卜未還家飄風燕子依人性背日柴荆任意斜物理

推移渾莫定青衫何用溼琵琶

顏鼎受字孝嘉一字初陽桐鄉人有嶧山堂半樂亭詩

詩話初陽少以孝聞九歲能詩長客桂陽遭亂入衡山爲道士久乃歸里復還初服通詩話撰誦詩弋獲六義辨國風演連珠竹垞收入經義考

楚山歌自郴州還桂陽作

楚山高復高楚水深復深悠悠行路難每傷游子心
游子越險阻往來桂與郴郴江鳴湍急桂嶺秋夕陰
西涉雉雞岡東眺龍虎岑縹緲白雲峯蕭疏黃葉林
俯瞰金牛潭冷瀉寒音草木漸搖落猿鳥多悲吟
縱觀豁高目長嘯開幽襟欲招蘇耽鶴且攜宗炳琴
巖城照霜月四圍鳴杵砧酌酒聊自勸慨然思難禁

秋懷

迤邐秋山落日明路從深箐入蠻阮新田芋熟樂巴郡石
室蒿深義帝城四塞風煙如一色五溪言語不同聲蒼涼
每有窮途泣此日猖狂似步兵

甲寅四月十五日值余生辰久客思歸困於兵革因

詩賦感

首夏清和綠野平鄉心愁聽鷓鴣聲十年結客黃金盡一
夜催人白髮生出處應知吾道重安危不係此身輕差慚
馬齒徒加長自顧難爲伏櫪鳴

楊賓字可師號大瓢山人浙江山陰人

詩話大瓢父春華安城坐事戍甯古塔景陵南巡
大瓢偕弟寶叩御舟上書求代父戍不得達乃出關
侍父父沒例不得歸葬大瓢走京師日哀籲於顯者
輿前有隣之者爲奏請更例遂奉母以父喪還葬蘇
州作柳條邊紀略述塞外風土甚悉大瓢幼卽工書
稍長爲詩古文辭別裁錄三詩皆塞外所作近有自

書游西山詩冊凡古近體詩二十篇見於廠肆並爲
嚴錄登臨游覽辭旨和平與歸愚所謂辛苦愁慘之
音固不
侔矣

換車行

冰凍馬蹏行不止歷盡千山復干水邊門未出已難堪況
出邊門二千里瀋陽城外換柴車柴車換得無人使坡陀
木石相枝撐谷口泥淖多呀坑日日輾摧與轂折翻雲覆
雨如人清人情翻覆烏可識出門步步行荆棘涕淚沾巾
向北風但見庭闈死亦得

至甯古塔

望望吉林峯白雲繞其下登頓及今朝亦得依親舍父母
驟相逢注視還相訝別時髮覆眉胡乃成老大鄰舍爭慰
勞應接苦不暇姓氏未及知空言聊慰藉日暮細挑燈恍

若夢中夜喜極乃更悲不覺淚如瀉

上書不得達生男亦胡爲四十始省親問心良可悲戲綵
愧老子挽鬚同小兒西山日已薄鄉國歸何時歎息謂季
弟爾獨無分離承歡廿八載此樂人誰知

尋廣泉寺

古寺尋何處穿雲上碧空泉飛陰洞口僧老亂山中廢殿
殘碑在禪房曲徑通可知全盛日人在蕊珠宮

自壽安山晚歸

不覺眾山暮扶筇趁落暉醉同樵共唱行逐鳥俱飛樹色
凝煙紫秋聲入夜微欲知投宿處前路一僧歸

九日登香山絕頂

香山絕頂路崔嵬萬古何人坐石苔落葉滿林圍白塔西

風匝地起黃埃濁醪不惜隨時醉野鞠偏能向客開極目
正從鄉國望斷鴻飛過雁門來

壽安寺

祭星臺北秋風路曲折高低送薄寒夾道蒼松猶錯落當
門白塔半摧殘荒山是處生祇樹古佛何因卧石壇莫恐
世人多誤認黃梁枕上夢邯鄲

隆教寺

天半煙霞窟秋風作伴游泉聲當樹落雲氣隔山浮小鳥
移叢竹殘香入畫樓

寺多桂

窗前堆柿葉知爲學書收

來青軒遠眺

薄醉坐層軒無絃琴獨撫仰首忽狂叫久之不能俯霜葉
鬪春花松濤捲秋雨悠悠絕壑雲近風自吞吐東北谿一

隅肯借他山補天宇淨無塵庶幾見遠浦貝闕與珠宮丹碧詎能數一一恣幽探甯復論今古

梅文鼎字定九號勿庵宣城人有續學齋集

李榕村曰乙酉二月南巡臣地以撫臣扈從上問曰
波前道宣城處士梅文鼎者今焉在臣地以尙留臣
署對上曰朕歸時汝與偕來朕將而見蓋前歲西巡
荷問隱淪之士臣地曾列闕中李顯河南張沐及文
鼎三人名而上亦素知顯及文鼎及駕駐西安顯以
老不能赴召賜匾額示寵焉後訪沐沐已死故文鼎
於是蒙憶及聞四月十九日臣地與文鼎伏迎河干
越晨俱召對御舟中從容垂問至於移時如是者凡
三日上謂臣地曰歷象算法朕最留心此學今鮮知
者如文鼎真僅見也其人亦雅士惜乎老矣於是連
日賜御書扇幅頒賚珍饌再三臨辭特賜四大字曰
續學參微則是月二十八日也文鼎湛心經術旁通
諸家不特以篆首商高之業進
故上以儒者待之盼味殊異
詩話勿庵洞精天算著述至八十八種李文貞以所
著歷學疑問進呈聖祖手書續學參微四大字賜
之卒年八十有九其學探深索隱自成一家言
再傳至文穆事高宗馴致通顯食稽古之報

復東方位伯

方子精西學愚病西儒排古算數著方
程論謂雖利氏無以難故欲質之方子

象數豈絕學因人成古今創始良獨難
暉事生其新測量變西儒已知無昔人便欲廢
籌策三率歸同文甯知九數理灼灼二支分句
股測體綫隱雜恃方程序安得以比例盡遺古法
精勿庵有病夫閒居發疑情展轉重思維忽似窺
其根和較有實用正負非強名始信學者過沿古
殊失真辟彼車與騎用之各有神篆籀夫豈拙駑
啄日以親援筆注所見卷帙遂相仍念子學有宗
何當細與論

江上望九華山慨焉有感

會聞九子山險怪類西岳攢簇金芙蓉崢嶸發
華萼我來江上看煙光喜澄廓奇峯縹緲間一一
青如削百里勢不絕蜿蜒相迴薄扁舟不可停所
見乍前卻參差互出沒靈

異難遙度振衣思高顛攀躋一何樂長歌入杳冥凌風瞰
大壑身輕生羽翼虛無行碧落平生慕至道幽探性所託
于役會未休天游攘六鑿福地儻依棲曠然解塵縛敢忘
夙昔心敬與山靈約

雪中家從叔瞿山過飲山居

青山閉戶孤居慣書卷時開逸興多覓句每於閒處得逢
君何意雪中過寒花萬樹看圖畫濁酒盈尊起和歌泥滑
只今愁去馬荒村莫惜醉顏酡

送姜學在歸吳門

午橋雨過杜鵑嘯歸客扁舟發宛溪下瀨薰風吹去棹到
家綠樹徧長隄伯兄稚子經年別畫舸名園幾處題難忘
敬亭山下路清秋遲爾共扶藜

喜晤彭躬庵先生卽送歸冠石

先生別號樹廬
有冬心詩一卷

曾向冬心見樹廬人間萬事一編書
相看此際天難問卻喜青年鬢未疏
浩蕩秋空涵日月清冷江水辨龍魚
布帆風滿君歸去萬里行雲自卷舒

柏槻山頂望仙人臺同觀湖先生

峨峨方石臺千尺凌晨煙昔聞山中叟
曾此逢飛仙棋局觀未終倏忽更歲年
樵斤寘叢條木皮合且堅崖樹旣摧
朽無人能攀緣我來陟嶺半俛視茲臺顛
再尋蛟路登所見惟青天瓊宮在何許
便欲乘風旋下界溺埃塵安能久遷延
何當封馬鬣非敢冀牛眠庶同五嶽游
免此情內牽雲車策風馬願言長執鞭

題贈宛津庵澹生上人

小剎對山城溪橋一水橫披帷來野色傍郭有經聲高樹
虛窗入遙峯隔岸明此中逢惠遠真覺道心生

喜半公歸自新都東寄索畫

病起看山山更奇溪橋酒醒一題詩相思白嶽人歸處正
是蒼崖雪霽時路轉層雲峯出沒水澌古碣石逶迤心閒
好景供圖畫肯寄荒齋慰別離

張實居字賓公一字蕭亭鄒平人有蕭亭詩選

王漁洋曰肅然之陰其東而曰大谷谷中有二十四
村皆良田沃壤土厚而水甘桑柘交蔭雞犬之聲相
聞古于茲仙人白兔公遺迹皆在其處蓋隱逸之奧
區也吾內兄蕭亭先生居之蕭亭生席華應先少保
公功德在前朝載之盟府諸父皆爲世聞人鳴鐘列
戟其所固有一日棄之如脫屣而甘就隱約以老詩
千餘首樂府古
選尤爲神解

感遇

吁嗟問蒼天蒼天何物穆生生與化化總之屬疑獨青女
散霜雪萬物悉蟄伏達人志功名下土冀寸祿大哉千載
猷巧遲甯拙速軼軻憶生平使我思翬翬嘗言徂遠征貂
裘襲文縠駿馬比騷耳寶刀號青犢往來射平坂馳驅獵
林麓鷹鷂多所獲皆是鳳凰族烽煙連四塞中原正逐鹿
強衆暴弱寡荒陬口口口我亦流離人中懷曠若谷前臨
大江邊波濤怒如覆鱸魚此處美菰老蓴絲熟倚馬眺金
焦凌空勢矗矗天塹南北分峨舸發連舳爲詠橫槊詩流
連而三復灑淚望新亭帆輕雲龍逐行行入石城停留未
信宿夜半楚歌起重圍驚如簇將軍棄瑠戈士卒脫弓韜
須臾內變生談笑肆誅劊轅門已繫頸僅爾免彝戮丈夫
氣沮消歸途來僕僕墮露飲木蘭殘英餐秋菊惆悵故鄉

秋西風破茅屋蓬蒿滿階除悽愴城下竹存亡已相半去
者無竿牘樓頭狐晝鳴牆外鬼夜哭有園成瓦礫松聲猶
謾謾斷木棲野鶴殘荷伴孤鶩掩卷泣蓼莪回首悲風木
架上藏父書手澤不能讀日夜事桑麻葑莠勝佳穀涼風
已屆候草木皆肅肅爲日檢衣裳禦寒無旨蓄小時固庸
庸長大復碌碌

雨後

雨歇山欲暝夕陽在鳥背孤亭淡清秋花木有餘態涼風
四面吹長空蕩殘靄更望西南風窈窕秀如黛山樹互幽
映流泉春雲碓獨坐酌芳卮明月來相對

王煙客先生長白山圖歌

秦山東北陞副岳惟肅然茂陵劉郎封禪處金枝玉葉嘗

綿綿太常興到山圖出千峯萬壑相鉤連黑氣淋漓走風
雨筆痕縹緲生雲煙會仙崔嵬三千仞峯巒劍立樹倒懸
大谷兩嶂更奇絕或如獅吼或象眠源源不斷繡江水黛
溪百折清且漣展卷恍入翠微裏伏生范老同周旋我家
小山臨黃谷負耒獨耕谷口田閑上摩訶采芝草卻臨巖
堂酌醴泉手握綠文蝌蚪字尋真日日踏層巔昔有人于
伏生墓得
古書一編
字皆蝌蚪聞有仙人號白兔倒騎白兔凌青天仙人不知
何處去柴門流水今依然

會仙山

峻極中峯此獨幽天低日見白雲浮西來嶽色孤煙秀東
望滄波一勺流金簡壇迷虛夜月山卽古肅然
爲漢武禪處赤松蹟杳
凜高秋不知山頂何年闢流水柴門勝概留

桃花谷

小徑穿深樹臨崖四五家
泉聲天半落滿澗濺桃花

清明

桃花乍放柳初生
葉底春禽送好聲
人在四圍山翠裏
斜風細雨度清明

朱細字子青號橡村
歷城人官主事有橡村集

詩話橡村學詩於漁洋早卒漁洋題其詩卷後云吾州之湖號蓮子數峯純浸湖光裏當年房豹亦佳人解道風淪歷城水橡村居士苦耽吟寄我新詩韶護音彷彿鵲華秋色好扁舟同醉使君林

無棣

斜日下城角炎風一騎馳
野花全白後山果半紅時
小袖攀桑婦方醺賣餅師
我來偶攤飯樹影正離披

燕子詞

翩翩燕子隔花宇黑翦紅襟向花舞去年將子入高樓主人愛惜垂簾鉤拂爾毛羽護爾巢殷勤結納同夏交歲寒颺去不回首無需於君從君嘲今年重來少顏色巢空泥冷生荆棘任爾呢喃語紛紛主人高卧如弗聞

贈別李公晉歸恩州

經旬親杖履游興喜同君新水鳴王浦空山扁鵲墳談叢推雅量酒陣策奇勳揮手來朝別春風隔暮雲

周綸字鷹垂江南華亭人貢生官國子監學正有芝石

山堂彙環山堂集

詩話鷹垂爲釜山之子漁洋門下士少卽工詩宋荔裳稱其三河少年之俊逸幽燕老將之雄奇五言尤勝子雅廉亦少有異才以觀湖賦得名送林霞水云萬山遷客夢匹馬異鄉身又送友之粵東云腥風夜撼流民屋荒草春迷叛將碑皆有奇氣早卒詩少傳

由馮公嶺抵括蒼作

雲氣晝冥冥山深虎豹扃嵐光疑曉霧獵火亂寒星地自
飛泉白天由密樹青窮荒開郡國次第入郊坰

徐立齋太史枉過

六載與君別翩然過我廬每憎西向笑多愧北來書貧賤
論交外風塵歷世餘不才甘自廢且莫問鹽車

郟城

春秋郟子國瓦礫尙孤城吏事昏鴉集人煙返照橫亂流
歷地脈遺戍護農耕袞袞看前席憑誰一寄聲

陳奕禧字子文又字六謙號香泉海甯人貢生歷官南
安知府有春霽堂集

詩話香泉書自趙董入其集中題跋徧臨唐宋諸家
於張猛龍崔敬邕二碑尤極推重知其用力甚深不

園於一途也詩爲漁洋所稱許初自戶部郎出守石
阡行平越道中見山有如濟南鵲華者賦詩有日忽
似鵲華蒼翠裏不知何處
帶經堂足見瓣香所在

祁州道上

榆柳清陰覆井牀南風五月叫蜩蟬我行真爲村農喜綠
樹中間麥盡黃

往通州途中漫成

兩載川衡轉運功今朝又挂布帆東鷺鳧野岸瀟瀟水禾
黍秋原浙浙風高鳥獨歸殘照外晚山半入亂雲中淡然
心事憑誰識一笑吟成意未窮

盧舜徒太守送余至天津留別

誰信黔西去相隨泛海雲明知終欲別只爲惜難分老淚
不空灑此情傾向君桃花潭水意豈獨古人聞

平山道上

暝日晴風弄遠暉好山嘉樹綠成圍
喚回僧夢蒲牢響點破溪煙屬玉飛
麥隴近秋垂穗熟魚梁向晚得鮮歸
何人解作誅茅計莫歎桃源客到稀

雲頂關

雲頂關頭路叢篁繞翠微
蹴花雙燕下帶雨一僧歸
吟興消長晝春寒上袂衣
朋傳盡何在行處頗忘機

易隆寓夜

對客銜杯睡已遲
夜涼欲到被先知
暗風將雨窗前過
正是驛樓酒醒時

趙善慶字怡齋德州人歷官金華知府有重知堂詩

詩話怡齋從漁洋學詩自國子監學正遷工部郎爲趙恭毅所識拔守金華建七賢祠祀朱子東萊南軒

及何王金許四子旋卒於官漁洋集中有題怡齋詩
卷絕句曰自失馮逸五見秋腹悲三度過陵州山川
不遺英靈盡又見清吟趙
倚樓馮逸謂大木舍人也

荆卿歌

燕丹日夜思報秦好客不減平原君朝游燕市伴屠狗夕
入東宮爲上賓感君意氣惟君使函關西向輕生死片言
立殺樊將軍日暮悲歌臨易水易水蕭蕭疾風雨漸離擊
筑聲何苦道旁送者涕縱橫壯士驅車不復顧圖盡須臾
見匕首驚起秦王環柱走只今猶恨夏無且英雄功敗提
囊手擲王不中置錕鋓事後論人劍術疏當時誰入虎狼
國自是昂藏一丈夫

給假東歸留別子未

抱病人偏憶故園東歸蕭索不堪論張融陸處甯非屋賈

鳥窳居尚有村擊筑悲歌醉燕市做裘羸馬出都門兩年
詩酒留連地回首茫茫欲斷魂

醉題

苦吟鎮日愛風騷醉後偏矜意氣豪甯誦相如大人賦不
彈摩詰鬱輪袍矮窗殘日排書卷老屋青春壓酒槽栗里
歸來恥腰折涼州那得換葡萄

朱載震字悔人潛江人諸生官石泉知縣有和山堂詩

集東渚詩鈔

詩話悔人尊人石戶明經工詩悔人承其緒游京師
漁洋竹垞亟相引器嘗賦漁洋齋前花木漁洋比之
王筠爲沈約作郊居十詠以爲指物呈形今猶過昔
曠渡漢江得句云旅雁影隨秋浦遠漁歌聲出亂流
中竹垞最愛誦之

牧仲見貽方竹杖賦謝

明日別公廬山去贈我竹杖隨行滕體方節堅色滑淨一
條碧玉鋒稜稜側聞分甯邃巖谷狼虎部曲蒙茸藤截致
頗難形甚古大樸不雕囊以繪世聞圓柔易爲好直方誰
解堪依憑我老嬾拙無一可舍藏信宜行未能大布一領
書一麓漫游得此眞良朋匡君舊識不我棄招手高峯穿
峻嶒扶攜萬仞觀天地大笑齊物無鴟鵬拜公嘉錫感公
意知己名言永服膺何當杖頭書歲月幽尋衡岱嵩華恆
和楊侍御筠湄秋懷

薄醉江樓懷暫開家園迢遞首重回淡香紅葉霜前徑細
蕊黃花雨後苔漢祖頻年思猛士燕昭何日築金臺不才
自合煙霞老未許天邊鷗鷺猜

同石城公牛潛子秋日漢上

澄陂秋柳帶明霞茅屋參差野老家江轉危磯奔駭浪村
鄰小市綴疏花河魚入饌偏堪飽濁酒能酣不用賒贏得
山公清興在停驂閒數後棲鴉

夏過北蘭寺

寺通野阜轉清幽壓戶藤梢帶葉抽最好江洲浮遠綠孤
懸塔影濛中流

短柵透迤曳履行晚颺搖颺葛衣輕老僧送客煙江外一
鳥噓殘落照明

宗元鼎字定九號梅岑江都人有芙蓉齋新柳堂等集

詩話梅岑詩最擅風調著籍漁洋門下嘗稱其七言
來逢鶯語詩從作去被人留酒重釀雙柑香濺佳人
手半臂寒添酒客肩及絕句詠古諸作其絕句
多有寄託意味深長以神韻論可稱得髓者

早秋

我行初出郭新月似蛾眉幾夕望舒圓今復蟾兔虧匪獨
此朝夕百歲亦如斯懷情不能寐徘徊向中墀側聞草蟲
鳴仰望繁星垂人言秋漏長已覺衡漢移千念未夜息萬
感與朝期長卿恆有疾子雲終何爲引領還躑躅淚溼衣
裳緇

題郊居

茶竈聲清響竹廊小亭新構面橫塘漁夫晚唱煙生浦桑
婦遲歸月滿筐一嶺山花燒杜宇滿池春雨浴鴛鴦籬邊
犬吠何人過不是詩僧是酒狂

冬日過甘泉驛

記得當年來古驛馬鞭帶雪繫樓前雙柑香濺佳人手半
臂寒添酒客肩忽見荒隄摧暮草空傷衰樹沒寒煙風塵

彭野翁詩集卷三十八
三
滿目深惆悵，卻望誰家寄醉眠。

過山中

東風吹雨度香芸，遠近煙嵐曉未分。
一徑濃桑沈碧影，半溪流水盪輕紋。
來逢鶯語詩從作，去被人留酒重醺。
莫道十年名計苦，輪農幾度說耕耘。

登吳陵城樓

城外村梅映酒旗，故園花落重相思。
愁腸已向春來斷，況值輕寒醉醒時。
獨倚層闌欲望休，江南煙月動春愁。
青山碧水無窮盡，捲入吳雲去不收。

煬帝冢

帝業興衰世幾重，風流猶自惜遺蹤。
但求死看揚州月，不

願生歸駕六龍

揚子江

帆去天涯勢不回
龍笳何惜渡江來
香車若到長干路
後主荒宮花又開

甘露寺北軒追和杜牧之韻

獨步迴廊繞檻行
鳥嗁花謝正關情
感深落月前朝笛
愁絕垂楊故國笙
帆影東南連水氣
梵音朝暮雜潮聲
重來十載題詩客
依舊人間浪有名

百尺樓

素鞵翩翩月一鉤
凌雲風致想高樓
江南歌舞尋常事
便遣曹彬下蔣州

雨中留鄒麗農

新開蘭蕙正芳菲
初到鮪魚入饌肥
正是風光好三月
如何拋卻渡江歸

吳音曲

壁月庭花夜夜重
隋兵已斷曲阿衝
麗華膝土能多記
偏忘牀前告急封

洪昇字昉思錢塘人有稗村集

詩話昉思情才絕世因長生殿傳奇牽連被罪放廢終身後遭水厄遇蹇極矣才人失職詩多激楚之音其秀在骨多可傳者鈞臺絕句云千秋一箇劉文叔記得微時有故人傷當時朝中知舊無相顧者語至痛沈

石門

先賢逝已久予亦宿石門
天寒鳥自歸林表斜陽昏吏隱
計難得詎知憂世屯棲棲終短褐
此意向誰言

征途曉發

夜發薊邱道馬蹏踏霜華月照千里白不辨冰與沙行行三十里始聞嗁曙鴉朔風起何處隱隱鳴悲笳徒侶慘不樂從者咸咨嗟揚鞭強笑語前村有酒家

送吳位三歸宣城

宋家丞相後喬木到如今之子獨古處對人無俗心偶來京洛道旋反敬亭陰芳草白雲外春山深復深

雪望

寒色孤村暮悲風四野聞溪深難受雪山凍不流雲鷗鷺飛難辨汀沙望莫分野橋梅幾樹併是白紛紛

蒙山道中

亂石繞東蒙崎嶇古道通一身千里外匹馬萬山中密樹

遙遮日輕花細逐風望雲雙淚落豈是爲途窮

寒食

七度逢寒食何曾掃墓田他鄉長兒女故國隔山川明月飛烏鵲空山叫杜鵑高堂添白髮朝夕淚如泉

柬李東琪

聞君昨日到長安驛路風塵乍解鞍古寺樓臺高避暑晴天松柏畫生寒親知把臂他鄉少貧賤論交此地難我自飄零歸未得秋江勸爾弄漁竿

衢州雜感

巘岫嶺勢蝨仙霞阻遏妖氛建虎牙障日叢篁劣容騎連雲列戟不通鴉居人亂後惟荒壘巢燕歸來止數家一片夕陽橫白骨江楓紅作戰場花

將游大梁

匹馬嘶荒野羣山擁亂雲迢迢二千里去哭信陵君

安箕字青士壽光人貢生有五畝園集綺樹閣詩藁南

陽詠藁

詩話青士作青社先賢詠一百二十五首自戰國至明鄉州文獻略備顯微關幽漁洋謂爲西亭王孫中州人物志顧東橋國寶新編之比

丁丑春日過巨昧水將之郡城

耿侯遺跡在懷古溯潺湲春浪沙紋淺耕花戰血斑鞭絲垂夕照馬首向青山眼底干峯出朝來好共攀

戊寅正月六日再至胸城

去歲歸時雪沒腰重來殘雪未全消東風委粟城邊路春水溶溶上板橋

過杏山嶺

板橋回渚岸寒水自潺潺暮雪三家市孤城四面山地仍
伯氏邑險控穆陵關匹馬行吟到千峯萬壑間

寒食卽事

風吹淡蕩酒顏消斜日遲遲上柳條薄暝園林芳草地杏
花影裏坐吹簫

張履慶字視旋號顧齋淄川人諸生有食蔗堂詩

詩話厚齋兩弟顧齋損齋自柑砥礪顧齋詩清真齋
遠損齋詩以自然爲宗皆與厚齋異趣不相沿襲

醴泉歸途口號

曲曲溪流草木新朝雲暗淡靜無塵回頭重有別離色望
裏青山似故人

道中望長白

野綠夕陽橫，高峯望長白。秀色一何深，杳與暮雲碧。根腰
圍遠樹蒼翠半，已隔頗懷卜。居情塵鞅苦，莫釋不知空谷
中。幾見幽人迹。

張增慶字川如，號損齋，又號絨菴，淄川人。諸生有獨樹
菴詩。

長信詞

天街雨過草萋萋，長信宮中亂鳥啼。莫向秋風泣紈扇，昭
陽人在畫樓西。

溪上

輕陰帶斜日，杳靄前山夕。雙鷺忽飛來，點破一溪碧。

王戩字孟毅，漢陽人。諸生有突星閣詩鈔。

詩話集中於西樵阮亭皆稱叔齊楚宗
初遠無可考詩饒神韻固新城嫡乳也

寄雲田先生

菜根堂外竹松曠霜壓平空木葉聞應有一寒憐范叔尙
能多病愛文君江邊風雨晴川合樹杪人家鄂渚分欲伴
謫仙黃鶴飲湘波天限白鷗羣

邢州詠懷次少陵自京赴奉先韻

我生天壤間賦性苦迂拙清時慕王貢詎敢說稷契一編
抱膝吟輒擬向空關倦起出戶牖寓目江天豁速化詎無
術妄念頗執熱竊謂科名中亦可奮偉烈每望通籍者如
星欲附月棘闈一逐隊誓與性命訣蹉跎竟無成資身百
凡缺彼蒼何荼毒更爾衣食奪老親邱壑志胡爲遭鬪穴
禍機發強弩凶波翻溟渤相依頌繫來難辭公卿謁惡名
幸逃免奔走雙肝沒五載一做裘脫落類旌節厚顏對時

輦戒門或被絕驅車身萬里飲泣腸寸裂因歸蓬華內息
影詠明發華髮映青袍長年共愁結籃輿病可御仙潛山名
指嚙嗅傾耳谷鳥幽徐步石徑滑菽水盡歡欣歌聲殷擊
真北窗隔戎馬恍游懷與葛木葉落洞庭寒風吹裋褐饑
驅不暇懶歲暮且復出篋間世務書欲上蒼龍關舉家揮
淚送尙冀涸轍活割愛就畏途所遇無故物煙塵汝陽道
有情皆懍懍村落春不生鬼燭懸罄室夜眠進新炊蔬蠶
雜死質十日抱杞憂中原怕蕭瑟萬人飽草木安望千頭
橘漢廷免租詔霈澤到白骨勸糴并發粟新恩口爭述除
夕渡大河氣象迥異轍試臨廣武望巨靈跼突兀太行互
長雲華彝無斷折淇澳森呼洵漳流攪勃窣停驂問邢州
代馬翻戀越邑宰有行役泥塗恥誰雪公子蒙招邀慰我

思若渴自古患難交聖賢貴有卒未知主人意背客潛悲
咽整衣盼京洛未往心屢折待詔滿金門茲行戒倉卒崇
高卯易壓羈旅檀可伐思倚數鉅公清言霏玉屑欲嫁惜
娉婷不見厠養卒南國愧婦女芟苜閒采掇

將自都門赴山左承都憲徐健菴先生過阮亭家叔
寓中見存每念馘爲故人之子感賦長句

當年膝下王文度此日風塵京雒遊長伴塞鴻歸碣石欲
觀海蜃到之眾雙藤倚戶驚垂訊干佛名經詎見收只是
淒涼憐葛帔高情須向古人求

長沙贈劉青岑明府

迢遞湘江道維舟指驛亭草生兩岸綠天近數峯青夜雨
連雲夢微風過洞庭輿人誦新政傾耳若爲聽

江南初買櫂乘暇復登臨
斜日明沅水春雲接桂林
相過卑溼地未廢短長吟
夙昔猗蘭操願言聆玉琴

君山東人

壁間畫松歌

蒼松幾株高蜿蜒黑雲元霧爭飛翻
誰將一片雪色壁潑來墨瀋如傾盆
松鬣盡作蝟毛磔松鱗直把蛇皮荆怪石
磔礪狀伏虎莓苔包裹穿長根
茯苓琥珀疑可斲霹靂魍魎愁崩奔
石間巨瀑波沄沄雷輓電掣銀濤噴
水流激擊松影動之而挈攬森無痕
步櫺澁灑夜月出南榮晃蕩朝日曡
長夏科頭坐其下應有偃佺商皓相
過存我昨山行句曲百里內小松夾
道瑣細如兒孫前年棲霞縱登陟六
朝松石留祇園我知妙筆能尋源
移置此地雄且尊吳生畫工斂巨手
摩詰詩老清吟魂五月清風買無價
歲寒心

事堪重論

送人出居庸

塞外烽煙莽次寥寒冰滿地競揚鑣風吹大漠黃羊過天
瓦長城白草彫百二關河悲故壘十三陵寢識前朝寄言
玉盃金盞道更有樵人晚唱遙

許節婦詩

節婦屠爲孝廉斯立之女年十七歸文學
許德基十八生子岳牧十九而寡後岳牧
娶婦生孫同癸不數月父
子相繼殞屠苦節數十年

青青孤生竹苦節貞以堅幽崖闕陽景氣候慘不溫眼中
鐘龍兒宛宛抱厥孫秋風瘁其枝嚴霜殄其根根死心不
死血淚迸湘沅鳳皇逝莫留寡鵠長悲辛百年曾有盡大
義矢勿諉有天詎須問皎月當空懸想當歸全日歡笑迎
重泉誰爲寫楚詞清光照無垠

閣夜

寺鐘初動來天風枯林宿鳥歸飛中欲行不行賈胡子得
過且過寒號蟲日望長江流浩浩夜聽更鼓聲逢逢明發
扁舟泊沙嘴瀟湘南去愁煙空

吳爻字修齡崑山人有好山詩

詩話修齡詩效西崑好談藝著圍籙詩話臧否諸家
又作正錢論專詆牧齋爲海洋所不喜秋谷因取其
詩中須有人在語入談龍錄以譏漁洋遂成詩家
門戶標幟歸愚謂其自作癩祭而未能自然與平日
議論不相照蓋篤論也

秦

質子妖姬盡可居六王猶在已邱墟鞭橋東去無靈藥驂
乘西歸有鮑魚黃犬淚中慚廢立白蛇醉裏報驅除當時
好爲秦非計牧地爲封食有餘

洛神

心不隨身葬寂陵卻乘金縷一游陳舊愁黯黯因楊祖新
恨涓涓屬灌均射鹿未消漳闕淚驚鴻猶賦洛川塵君王
八斗今餘幾腸斷無由更感甄

蜀漢

季世唐虞只此時泗亭天壤哲人違三交城下波聲急五
丈原頭日色微西國無煙生火井東鄰有女落螻磯不關
鐘鄧能緣險黃皓譙周盡識幾

蘇臺懷古

秋風撼撼雨瀟瀟追歎先王氣正驕壯士短簫吳市乞美
人雄劍越溪邀三更娃館樽前蠟千載胥江月下潮只有
忠祠今尙在行人指點過皋橋

笛

胡牀數弄渺難蹤只有清疏景物同
幾片曉梅江岸月一行秋雁墅樓風
卻愁猿骨侵人籟更歎龜茲誤國工
那得中郎來仰臥會稽千畝正叢叢

蒲松齡字留仙又字劍臣號柳泉淄川人諸生有聊齋

集

詩話留仙屢應試不得志於有司肆力古文辭絕去
町畦能自達其所志又別撰聊齋志異託於狐鬼荒
幻將以警發薄俗漁洋題詩曰姑妄言之妄聽之豆
棚瓜架雨如絲料應厭作人間語愛聽秋墳鬼唱時
留仙次韻曰志異書成共笑之布袍蕭索鬢
如絲十年頗得黃州意冷雨寒銜夜話時

青石關

身在甕盎中仰看飛鳥度南山
北山雲千株萬株樹但見
山中人不見山中路樵者指以柯
捫蘿自茲去句曲上層

霄馬蹏無穩步忽然聞犬吠煙火數家聚挽轡眺來處茫茫積翠霧

渡河

歸途過黃河一葉大如掌颺颺西南風飽帆蕩雙槳船小墮帆側高低任俛仰舟如瓢水盈閃閃浮甕盎激水雪崩騰珠花迸衣上駛急穿橫流洶洶作怒響回首過來處低雲接沆漭

九月望日懷張厯友

臨風惆悵一登臺臺下黃花次第開名士由來能痛飲世人元不解憐才蕉窗酒醒聞疏雨石徑雲深長綠苔搖落寒山秋樹冷嗁烏猶帶月明來

戚弭字後升號莞爾泗州人優貢官知縣有笑門詩集

詩話後升與黃九煙訂忘形交自九煙赴汨羅死乃負笈走京師王阮亭甚稱之甫得一官仍出走江南北客死湖上詩發抒性靈鏡刻物變無一語寄人籬下

飲九弟齋同宿

空城澹寒霧落葉淒庭陰蕭條歲苦饑里巷誰招尋撥泥
過我弟暮雨衣淋淋百錢杖頭解斗酒時共斟入耳聲不
殊聞者各有心何以寫吾憂揮毫同苦吟蠹蝨半壁靜鎧
火孤窗深醉擁姜被眠不知天古今

贈九煙先生

鐘山黃公高絕俗綵筆當年映天祿徙海吹山十六秋弔
影吞聲卧江曲棲遲南嶽復西湖萬里青山一擔書巖松
犯雪神愈王野鶴沖雲興自孤今歲移家來泗上馬隊譚
經笑函丈生徒落落講堂空滿簾春草風吹帳予從往藉

舊知名但見文章未見人躊躇懷刺久未決遲遲乃敢登
其門相逢一揖平生見道氣鬚眉時隱現布衣簞笠古人
風光矐瘦骨高僧面蕭疏促膝片時閒苛禮餘文已盡刪
乃知古處存今日往來交接能相安此後相招對杯酒一
蔬一豆盤何有題詩日夜幾揮毫高譚古人時充口具言
往事難重陳不問人間漢與秦志游四海徧五嶽妻孥束
縛猶逡巡更思百年今半矣天下曾無一知己寸心搖落
我何言萬事荒疏天不理眼前膝下未得男依依弱女黃
金看前者乞靈向淮瀆迴波晚棹辭龜山驚濤忽起飛神
鱗潑刺投船船客懼蒼蒼有意不言遲小引長歌聊自敘
憂兒憂友復憂游百感茫茫未暇愁渡江僮僕盡辭去只
今沽酒無蒼頭子能知我爲予構不取才能取淳厚我聞

語語出性情顏熱眉開心已受賤子生平恥雜交閉門風
雨深蓬蒿豈知相見如逢故一我形魂慰寂寥笑門如斗
讀書處綠煙高捲芭蕉樹相看斗酒愧提攜捫蝨挑燈盡
朝暮指畫須開北牖窗窗開柳浪入風涼題曰煙環志所
命使我高卧游羲皇閒尋古塔登臺話煙光城闕如圖畫
感慨中來不自由一見斜陽淚雙下擊水垂雲心事違榆
枋笑受鸞鳩譏孤高平淡遠時好今人絕少古人稀我得
先生交已足但愧知君非鮑叔徘徊海嶽放身游遠近相
從負行襪

寒食過友人夜飲

寒食生多感談詩覓舊盟積花充鳥餓刪竹讓窗明湖水
春帆亂山墳野祭晴纍纍孤客意澆酒亦難平

八弟自南村過問

野處兄兼弟遙尋到草堂
菜羹存土性
鎧氣見春光
小隱時名去
深貧世務忘
流連因手足
不獨在壺觴

同綏巖明府飲盱山擁碧樓題恆止上人壁

痛飲酬明月
天涯共此樓
客狂能受酒
山淺不藏秋
好葉當人落
迂泉讓石流
更闌吟各就
醉墨爲僧留

王啟洩字清遠山東新城人官在平教諭有西城別墅

詩在 山詩存因繼集聞詩堂小稟讀書堂近草

詩語清遠爲文簡長子嘗構西城別墅效摩詰輞川爲十二詠辭旨幽復

憶樊川

勝概曾聞白鹿原
邵平往事感青門
何如韋杜春三月
花發城南第五村

同蕭亭舅氏晚坐石帆亭聽瀑

蔥翠滿西城園林媚光景女牆斜照明春空靄雲影竹嘯
與松吟眾妙獨心領噴薄匹練飛洞澈毛髮冷相對滌煩
襟如遇谷簾境樂此遂忘機陶然萬慮屏

振衣華子岡飛花散芬馥流泉百道鳴激蕩聲喧蹙棲鳥
驚高枝微風戛深竹池上新月明萬綠如膏沐縹緲渭陽
情清言愜幽獨參橫夜涼生且共茅亭宿

周肇字子叔太倉人有東岡集

詩話子叔與王揆端士許旭九日黃與堅庭表王撰
異公王吳惟夏王朴釋民王曜升次谷願渭伊人王
據虹友稱叟東十子大抵襲詞雄響瓣香弁州者梅
村序其合集云與雲問西冷諸子上下其可否東南
壇站互相輝映也

贈陸翼王

君是左徒門下士，
搗來相對哭途窮。
遺孤袁粲纍囚日，
亡命王成賃保中。
書館三餘淹夜雨，
客顏一瘦怯秋風。
結交世上黃金滿，
四海何曾識此公。

翼王爲黃陶庵高弟當日有保全遺孤事故專及之

病中元夕有感

夢入京華怪獨醒，
孤舟病客鬢星星。
逢年漫愧天人策，
涉世甯諳長短經。
禿筆賣文差可活，
庸醫乞藥總無靈。
上元燈火蕭條甚，
纔說宣和已淚零。

許旭字九日太倉人有秋水集

送寶知上人之江州

十載相看不定身，
辭家重作渡江人。
白門柳色千條雨，
皖口山形二月春。
虎去暮天樵徑失，
鶴歸荒嶼講堂新。
潯陽舊日經過地，
雙屐行隨客路塵。

游天界寺

法宇巍峩聳碧躔珠宮寶剎故依然平分白下山川勝暗
憶金陵朔建年名德到今傳幾輩藏經猶自護諸天江山
尺寸歸新主尙有穹碑記賜田

淮雲寺

石徑斜開路幾層扶筇攜屐共攀登花逢九日思兄弟病
阻文園念友朋南渡白雲悲古寺西風黃葉哭昭陵三年
遙觸傷心淚欲訊滄洲愧未能

過廢園有感

落日蒼茫滿客心無端興廢愧登臨到公死後空存石謝
傅亡來久廢琴一代詞人歸蔓草百年名苑化祗林芙蓉
金粟知何處野水瀾瀾自古今

王抃字懌民太倉人

送友還蜀

山塘綠酒浮芳菲楊花作團如雪飛花前沽酒送君別別
淚簌簌沾我衣蘭橈欲發鼙鼓急感君握手須臾立把盞
長歌曲未終月光如水鬚眉溼君今掉頭萬里行縈紆蜀
道多不平石鏡銅梁連劍閣況復江山阻甲兵願君努力
長途去舊住岷江發源處岷山雪消岷水清望見錦官城
裏樹錦城花落更愁人杜宇嘯殘豔瀨春武侯廟下苔如
繡先主祠前草似茵君不見遼東華表歸來鶴城郭人民
盡非昨回首江南千萬重夢裏寒雞村月落

揚州次梅村師韻

牙門置酒宴公卿錦繡雕鞍命北征縛袴健兒誰轉戰借

籌策士總虛名百年洛蜀關時運六代煙花兆甲兵擊楫
中流無限恨夜闌敲枕聽江聲

王攄字虹友太倉人有蘆中集

沈歸愚曰太原王氏昆季多才不啻
過江王謝而蘆中一集尤爲矯矯

黃海歌

我所居兮在海濱未登高邱望遠海行入深山盡是山銀
臺金闕瞻安在昨投湯院雨翻盆雷激雷轟眾壑奔茲山
雨後當鋪海旋因觀海登天門天門削成去天尺懸盡危
梯上絕壁彌勒龕中一宿留曉起白雲千里積非煙非霧
鋪虛空時爲車蓋時爲龍諸峯沒趾漸及頂初由膚寸彌
寰中天吳彷彿舞其下萬里無際連蒼穹是時罡風吹蓬
蓬聽如擊鼓馮夷宮更疑射蛟海水赤一輪照曜扶桑東

須臾解駁浪紋靜玉池開放干芙蓉人間萬事皆桑田惟
斯亙古無變遷塵寰跼踏真可憐胡弗蹈海如魯連三山
驅走置眼前對之欲往心悠然長願採藥山中眠朝朝來
往蓬萊巔帝鄉未遂平生志從此浮槎天漢邊

聞漢槎謫戍甯古塔

欲叩君門萬里賒驚聞遠戍度龍沙文章只道金難鑠謠
詠翻成玉有瑕滅死蔡邕方出塞哀時庾信未還家可憐
交橐歸來日豈有明珠載一車

懷許九日

聞君纔上摘星樓又到孺須塢口游勝地山川曾百戰故
人煙雨只孤舟蒼蒼楚水蒹葭晚漠漠江田秔稻秋應有
陳蕃懸榻待免悲王粲滯荊州

呂城病歸

掛席西風桂檣輕扁舟又次呂蒙城身如枯葉方愁落心似殘潮未肯平宿雨河橋橫酒旆晚煙村店聚雞聲故園歸去無多路每念勞勞重愴情

張文獻公祠

祠堂突兀倚江開瞻拜空餘海燕哀只道主由金鏡致豈知兵爲玉環來文章自昔傳徐碣香火常新傍舜臺風度依然憑想像停舟一薦渚蘋回

王曜升字次谷太倉人

登北固山

雄峯高枕甕城斜有客登臨送晚霞水氣暗吞山頂寺江雲遙護海門沙天低雁鶩來千里地迴星河落萬家指點

舊朝形勝在吹愁何處起悲笳

端午先忌

餘生十載恨蹉跎令節閒門掩薜蘿
剩有蛟龍蟠大澤空聞簫鼓發層波
三閭怨在餘香草九地恩深廢蓼莪
慚愧王修能罷社葛衣檢點淚痕多

顧湄字伊人太倉人有水鄉集

錢牧齋曰伊人爲詩陶治性靈清麗婉約名章秀句
清麗芊綿至於孤清粹旨作者有不自知而秋士恨
人每撫卷

三歎焉

詩話伊人父麟士長於毛鄭之學故兼通經曾佐徐
健庵編刻宋元經解得蘇長公所書澗明集名其齋
曰陶廬牧齋爲之記又贈詩有云無
終路阻重華遠只合南郊訂一居

寄唐在茲湖村

帶水湖南路故人來往稀
暗蛩鳴雨急宿雁入煙微
于卷

只茅屋一身仍布衣深居戎馬外知爾亦忘機

寄靈隱白谷載一兩公

交游多半在禪叢爲憶巾餅事遠公一椀鐘聲殘照裏六
橋山色暮寒中遙天落木風塵老舊國平蕪煙水空相送
虎溪成久別比來吟興復誰同

感懷

石城笳鼓不堪聽烈士天涯散曉星伏闕陳東還痛哭登
樓王粲獨飄零奔濤夜立魚龍怒戰血春迴草木腥莫說
長江限南北建康原是小朝廷

閱江樓

萬里長江一望收高皇親建閱江樓雲開蓬島星河曙月
出盧龍天地秋碧草自生宮寢路青山仍繞帝王州憑君

莫問當年事，黍稷同歸六代愁。

山登字梅岑江都人有埋照集

詩話梅岑投筆從軍轉戰湖湘詩多沈雄矯鶩之音
五律尤精到如重晤沈天士云月明沙路淨雨歇稻
花香雨夜云鬢冷窗侵雨圍荒鎗引蟲秋杪過雪公
云院靜松聲細山寒鳥語稀九日尋準提庵云修林
辨夕磬細路到江花望湖亭云荒林孤鳥下寒渚數
家連香草亭云鳥影溪光定苔痕屐齒荒姚後陶招
飲旗亭云野路行秋潦孤城上夕曛春日懷人
云峯翠猶含雨江聲欲上湖皆可入摘句圖

寄懷儼若江右

戰後山逾靜，花飛戍亦空。人間無客路，天上有歸鴻。芳草
愁眉外，春江野哭中。相思似潮汐，日到小孤東。

送潘雪帆祝髮天壽山

自悔披緇晚，低回別母難。獨尋天壽路，莫上寢園看。黍稷
春山徧，牛羊夕照寬。劫灰飛不到，只有化城安。

行拈方竹杖愛爾不憇忙
稠路微風動松花一笠香
到山魂夢穩持鉢水雲長
淒絕烏嘯夜沈吟輦路傍

亂中晤故鄉周子

舊路新亭那可過神州翻不似滹沱地
經戰後人逢少江入秋聲夜聽多
白首對君心更熱青萍避客舞還歌
三年消息空惆悵獨立南樓倒曉河

丁卯客都門值予初度示姚葉二子

百戰乾坤賸此身今宵重對啟禎人
白頭紅燭千行淚重向尊前話甲申

天壽山

十里春山入杳冥殘碑斷瓦雜苔青
江南漠北渾如此指不信當年石馬靈

只今輦路上牛車舊是君王駐翠華春薦不來寒食候夕
陽一片野梨花

晚晴繆詩匯卷三十八終